

فيديو ٣٩٩ من مقاطع حظر التجول تدبر سورة التوبة - الحلقة

٦١ الآيات ٦٤ - ٩٤

فاضل سليمان

السلام عليكم ورحمة الله وبركاته. اهلا بحضراتكم في المقطع رقم تسعمية ثلاثة وتسعين من مقاطع حظر التجول والحلقة السادسة عشر من حلقات تدبر سورة التوبة افتح معي الايتين خمسة واربعين وستة واربعين في سورة التوبة واقراهم معي - [00:00:01](#) اعوذ بالله السميع العليم من الشيطان الرجيم انما يستأذنك الذين لا يؤمنون بالله واليوم الآخر وارتابت. وارتابت قلوبهم فهم في ريبهم يترددون ولو ارادوا الخروج لاعدوا له عدة. ولكن كره الله انبعث - [00:00:31](#) اتاهم فثبطهم. وقيل اقعدها مع القاعدين يعني هم لو فعلا عاوزين يخرجوا كانوا خرجوا كانوا جهزوا أنفسهم للخروج لكنهم جايين يستأذنونك انهم يقعدوا وهم كده كده هيقعدوا ومش هيخرجوا انما يستأذنك الذين لا يؤمنون بالله واليوم الآخر وارتابت قلوبهم فهم في ريبهم يترددون. ولو ارادوا الخروج لاعدوا - [00:01:12](#) له عد ولكن كره الله انبعثهم. فثبطهم وقيل اقعدها مع القاعدين. دول كزابين لانهم راحوا وقالوا للنبي عليه الصلاة والسلام ده احنا كنا خلاص هنخرج معكم وبعدين حصل كذا وحصل كذا وخايفين كمان يحصل كذا - [00:01:48](#) بس من جوانا احنا معك وعاوزين نخرج معك فربنا بيكذبهم وبيقول للنبي عليه الصلاة والسلام ولو ارادوا الخروج لاعدوا له عدة بس انت عارف هم ما خرجوش ليه لان الله سبحانه وتعالى لم يشاء لهم انهم يبقوا من المجاهدين. ده شرف لا يستحقوه - [00:02:06](#) فربنا سبطهم. يعني ربنا هو اللي جعلهم ما يخرجوش وخليكم بقى مع القاعدين في المدينة. يعني مع النساء والاطفال والعجزة ولكن كره الله انبعثهم فثبطهم وقيل اقعدها مع القاعدين. كده دخلنا في مشكلة. دخلناه في ايه؟ في الشبهة بتاعة - [00:02:34](#) ازاى ربنا هيحاسبهم ويعاقبهم على ترك الجهاد وهو اللي ثبتهم وخلصهم يقعدوا. هو نفس السؤال بتاع ما دام ربنا هو الذي يهدي ويضل. ازاى يحاسب ناس بتضل؟ طالما هو اللي اضلهم. نفس السؤال وعندنا الحلقة بتاعته وروحوا راجعوها - [00:02:55](#) ربنا يا جماعة انزل هداية عامة للناس كلها قلنا كده زي اليقظ ولوحات الاسترشادية اللي في الشوارع بتدل على الطريق. دي نزلت الناس كلها الناس بعد كده منهم اللي رضي بهذه اللوحات فطلب الهداية اهتدى بها - [00:03:14](#) وبقي يقراها وماشي عليها فبيوصل ومنهم اللي غافل مش دريان بها ما بيوصلش. ومنهم اللي شافها وكذبها وقال لك مين قال ان دي لوحات ان الكلام اللي فيها صح؟ ده انا - [00:03:32](#) عندي طريقة تانية اوصل بها تماما ده زي الناس اللي بتقبل القرآن والسنة وبتقراهم وبتفهمهم وبتتدبرهم وبتتبعهم. دول ربنا بيعطيهم بعد كده هداية معونة فبيعينهم على الهداية يعينهم على اتباع القرآن والسنة - [00:03:45](#) لما واحد منهم يروح يصلي في المسجد بنقول ايه؟ ربنا اختاره يبقى واحد من المصلين اللي في المسجد اه بس هو هو راح بعنيه. هو راح بخطرته. بس احنا بنقول في النهاية ربنا اختاره يبقى منهم. لان ربنا جعله من المهتمين - [00:04:03](#) نفس الكلام لو واحد طلع يجاهد في سبيل الله بنقول ربنا اختاره عشان يبقى من المجاهدين في سبيل الله. لكن في النهاية هو الانسان اللي خد الخطوة كذلك برضه اللي يرفض يقرأ اللوحات الاسترشادية اللي في الشوارع وبيقول مش اتبعها هو اللي عمل في نفسه كده - [00:04:21](#) كذلك اللي يرفض القرآن والسنة وما يروحش يصلي او ما يروحش ما يخرجش في الجهاد نقول ايه؟ ربنا لم يكتب له انه يبقى مع

المصلين. ربنا لم يكتب له ان - 00:04:37

فمع المجاهدين. بس في النهاية الانسان هو اللي بياخذ الخطوة الصح او الخطوة الغلط هو الانسان اللي يلام على ذلك ولكن كره الله انبعاثهم فنبطهم. وقيل اقعدها مع القاعدين لكن يعني اخيرا طيب تدبرنا بقى امبارح كمان قول الله تعالى - 00:04:47 عفا الله عنك لما اذنت له حتى يتبين لك الذين صدقوا وتعلم الكاذبين الله يعفو عنك. ليه بس اديتهم الاذن انهم ما يخرجوش ده هي دي كانت فرصتك انك تعرف كل واحد على حقيقته - 00:05:08

وقلنا ان تسعة وثلاثين منافق منهم عبدالله بن ابي بن سلول استأذنوا النبي في القعود في المدينة وعدم الخروج للجهاد في تبوك فلو كان النبي عليه الصلاة والسلام قال لهم لا اجد لكم عذرا ولم يأذن لهم بالقعود - 00:05:27 اللي كان هيقعد منهم كان خلاص هينكشف نفاقه فلانه ايه ؟ اه طب انت ازاى رايح تستأذن النبي عليه الصلاة والسلام؟ وانت سواء النبي عليه الصلاة والسلام سمح لك او ما سمحكش كده كده هتقعد بيقى انت منافق بقى - 00:05:43 لكن بعض الناس ممكن تظن من الاية دي ان دي غلطة كبيرة جدا للنبي عليه الصلاة والسلام بصوا يا جماعة الانبياء اخطائهم في دائرة الاولويات. يعني ايه يعني ممكن يختار شيء - 00:05:57

اقل في الاولوية من شيء اخر لكنه صح برضه الانبياء لا يخطئون في الدين. لا يخطئون في تبليغ الدين. ما فيش حاجة حلال يقولوا عليها حرام. ما فيش حاجة حرام يقولوا عليها حلال بالغلط - 00:06:17 تمام؟ اه لكن كون النبي عليه الصلاة والسلام لا يريداهم انهم يخرجوا معه ده مش غلط. ده اختيار من الاختيارات. ليه بقى ده اصلا دول ياما عملوا فتن قبل كده - 00:06:29

وهنا بقى الايات اللي جاية دي سبعة واربعين تمانية واربعين هتورينا ان ربنا رغم ان ربنا عاتب النبي في الاية ثلاثة واربعين قال له عفا الله عنك لما اذنت لهم في سبعة واربعين والتمانية واربعين ربنا بيشرح لنا - 00:06:47 ليه النبي من جواه كان يميل ان هو ما يطلعوش معه النبي يعلم انهم ومش بس يعلم. ده احنا عندنا تجربة سينة جدا معهم كذا مرة لو خرجوا فيكم ما زادوكم الا خبالا ولاوضعوا خالكم يبغونكم الفتنة وفيكم سماعون - 00:07:02 لهم والله عليم بالظالمين لقد ابتغوا الفتنة من قبل وقلبوا لك الامور حتى جاء الحق وظهر امر الله وهم كارهون يعني ايه بقى يعني دول ياما عملوا فتن قبل كده. خرجوا معكم قبل كده - 00:07:25

احد خرج الف شخص مع النبي عليه الصلاة والسلام ثم انسحب عبدالله بن ابي بن سلول واقنع تلتमित واحد يتركوا النبي وينسحبوا ويرجعوا على المدينة ما باقولش التلتمية كلهم منافقين لكن فيه ناس بتسمع وفيكم سماعون لهم - 00:07:48 قدر يقنع تلتमित راجل من اللي خارجين مع النبي يقاتلوا انهم يرجعوا. ويتركوه في احد لو خرجوا فيكم ما زادوكم الا خبالا. ولاوضعوا خالكم يبغونكم الفتنة. وفيكم اماعون لهم والله عليم بالظالمين - 00:08:08

واحنا هننسى في غزوة بني المصطلق اسمها غزوة المريسيع لما عبدالله بن ابي بن سلول شغل الخلاف حصل بين المهاجرين والانصار حتى كادوا يقتتلوا انتم عارفين يعني ايه المهاجمين والانصار كانوا كانوا هيقتلوا. النبي عليه الصلاة والسلام لما سمع - 00:08:29 الدوشة بتاعتهم وان هيحصل حاجة بينهم خرج حافيا. خرج من غير ما ينتعل السنة انه يلبس نعل. خرج بيجري وقال آآ يا ربي اه ادعو الجاهلية وانا بين اظهركم؟ دعوها فانها منتنة. مين اللي كان وراء الكلام ده؟ كان - 00:08:48

منافقين اول ما حصل خلاف راح جاري عبدالله بن ابي بن سلول على بعض الانصار يعني اهل المدينة وقال لهم اوقد فعلوها قد نافرونا وكاثرونا في بلادنا على رأي المسل سمن كلبك يأكلك - 00:09:13

يعني اقعد اكل في كلبك لغاية ما ياكلك هو اما والله لان رجعنا الى المدينة ليخرجن الاعز منها الازل يعني احنا يعني هم كده زدوها اوي. احنا يعني قل لهم بقى هذا ما فعلتم بانفسكم. ده اللي انتم عملتوه في نفسكم - 00:09:32 احللتوهم بلادكم استقبلتوهم في بلادكم. وقاسمتوهم اموالكم. كان الانصار ييقسموا الرغيف. ييقسموا فلوسهم. ييقسموا بيوتهم بينهم وبين المهاجرين دلوقتي بيقولوا انتم اللي عملتوا كده اما والله لو امسكتهم عنهم ما بايدكم لتحولوا الى غير ذلكم. من هنا ورايح -

امسكوا وما تديهمش حاجة خالص. واطردوهم بقى برة من بيوتكم وهم هيروحوا وايه ويغوروا في اي حطة. هو ده هو ده كان الكلام.

تخلوا واحد جندي مع الجيش طالع بيفرق بين الناس بالشكل بالشكل ده - [00:10:16](#)

طبعاً الكلام ده كان بيقوله العدد قليل كده عشان يبدأ ينتقي منهم ناس ويحضرهم للانقلاب فهذا الكلام مش بيبقى على المأقدام

الناس كلها مش قدام الانصار كلهم فواحد راح وشى به وقال للنبي عليه الصلاة والسلام - [00:10:31](#)

مين ده ؟ واحد من المهاجرين لأ من شباب الانصار لكنه شاب صالح تقي اسمه زيد ابن ارقم ومن نفس القبيلة بتاعة عبدالله ابن ابي

ابن سلول من الخزرج سمع - [00:10:50](#)

عبدالله بن باز بيقول الكلام ده وهو جوة الخيمة بتاعته. وبيكلم الناس بالكلام ده فراح رايح للنبي عليه الصلاة والسلام وقال له كل

حاجة سمعها قال له عبدالله بن ابي بن سلول بيقلب الناس وعازي يعمل فتنة وعازي يعمل انقلاب - [00:11:04](#)

سيدنا عمر ابن الخطاب كان قاعد قال له يا رسول الله آآ اقترح قتله وقال قل لحد معين بقى معروف من الانصار انه يقتله هو. عشان

سيدنا عمر ما اقترحش ان هو اللي يقتله - [00:11:22](#)

مش عازي الفتنة مش عازي تحصل فتنة. فقال له اقترح على فلان انه يقتله. فقال لا يا عمر حتى لا تقول الناس ان محمدا يقتل

اصحابه النبي رفض وقال له لأ عشان الناس ما تقولش. محمد بيقول اصحابه - [00:11:37](#)

وارسل النبي لؤلؤ قال له بلغني انك قعدت مع ناس من الانصار وقتلت كذا وكذا. فاقسم بالله انه لم يقل هذا الكلام طب وبعدين النبي

المفروض بقى ايه يصدق مين - [00:11:56](#)

خلي بالك هو بقت كلمته قصاص كلمة زايد ابن الارقم خلاص كلمة قصاص كلمة. زايد ابن ارقم ما شافش مين ثاني كان جوة الخيمة والى

كان قال اسماء وكان ممكن تستدعى ويشهدوا - [00:12:13](#)

لأ ما كنش يعرف في الشريعة الاسلامية البيئة على من ادعى. واليمين على من انكر من المدعي زيد عندك بيئة عندك تسجيل؟ عندك

شهود؟ لا ما عندوش. خلص الموضوع اليمين على من انكر. انت بتنكر يا عبد الله يا ابن ابي يا ابن سلول اه - [00:12:23](#)

اقسم يمين اقسام يمين انه ما قلش كده. كذب يمين غبوس خلاص ما فيش تسجيلات ما فيش بتاع القضية تحفز خلاص ثم تنزل اية

من فوق سبع سماوات تشهد مع زيد - [00:12:48](#)

في سورة المنافقون يقولون لئن رجعنا الى المدينة ليخرجن الاعز منها الاذل. ولله العزة ولرسوله المؤمنين ولكن المنافقين لا يعلمون

فكان كل ما النبي عليه الصلاة والسلام يقابل زيد بن ارقم يقول له ايه؟ اهلا بمن ابر الله باذنه - [00:13:05](#)

اهلا باللي ربنا ابر باذنه ما خلاش اذنه ودانه آآ يبقى شكلها انها كذبت ربنا صدق كلامه هنا بقى ابنه ابن ابن المنافق ابن رأس النفاق

عبدالله ابن ابي ابن سلول ابن - [00:13:33](#)

احد كبار السحرة احد عظام الصحابة شاب صالح تقي اسمه عبدالله بن عبدالله بن ابي بن سلول. وعلى فكرة عبدالله بن ابي بن سلول

كان له آآ ابن وبنت من الصحابة يعني آآ بنته الجميلة من الصحابيات اللي معروفين كان لها قصة كده يعني ما نقولها ان شاء الله مرة -

[00:13:52](#)

ابنه هي اسمها جميلة ابنه عبد الله بن عبدالله بن ابي بن سلول شعر ان كده ابوه يعني انكشف نفاقه وانه ممكن يحكم عليه بالاعدام

ويقتل فراح للنبي عليه الصلاة والسلام - [00:14:12](#)

قال له اذا كان ابويا سيقتل ارجو انك آآ تخليني انا اللي اقتله لا اريد ان ارى قاتل والدي يمشي امام عيني عشان ما يحصلش انه فيه

ناس تقول لك ايه عشان ما يقتلوش لا مش هيقتلوا بس - [00:14:30](#)

هيشعر في صدره بشيء ضده واقل شيء يعني المفروض المسلم يكون سليم الصدر من ناحية اخوه المسلم لمجرد اني مش عازي

صدره يضيق ناحية مسلم ثاني. لان هو اللي نفذ حكم الاعدام في ابوه. قال له لو هتحكم بالاعدام على ابويا سبني انا اللي اقتله -

[00:14:49](#)

وقال النبي صلى الله عليه وسلم لا بل نحسن صحبته ما دام فينا انتم عارفين عمل ايه عبدالله بن ابي سلول؟ وهما داخلين المدينة وقف وحط ايده وقال له ما انتاش داخل. لغاية ما النبي صلى الله عليه وسلم يأذن انك تدخل حتى تعلم من - [00:15:10](#)

العزیز ومن الذلیل عادیه ما كده مع ابوه مین؟ ابوه منافق هو بیختار بین ربنا و بین الله و بین علاقة الابوة فی الحق ما فیش هزار فی الاسلام. الحق احق ان یحق. طیب - [00:15:31](#)

سؤال بقى عشان نفهم برضو النبي عليه الصلاة والسلام بیفكر ازاى احنا لازم نتدبر فی اجتهادات النبي صلى الله عليه وسلم کیف كان یفكر؟ کیف كان یختار لیه النبي عليه الصلاة والسلام ما نفزح حکم الاعداد فیہ؟ وهو خائن و بیثیر الفتنة یعنی دمه حلال. دمه حلال اکید یعنی. ونزلت الایة بتسبت - [00:15:51](#)

ان هو منافق. الله! ولكن المنافقین لا یعلمون. فی اکثر من خلاص واضح انه منافق بصوا طريقة تفکیر النبي قال ایه عشان بس نفهم ان مش کل حکم جائز اننا نطبقه یبقى من الحکمة انه یطبق - [00:16:15](#)

ممکن یكون واحد حکمه انه یقتل یعنی یجوز قتله بس الحکمة تقول انه لا یقتل افضل النبي قال ایه لسیدنا عمر؟ سیبکم من اللی قاله لابنه نحسن صحبته ما دام فینا آآ ده ابنه. لكن مع سیدنا عمر - [00:16:31](#)

الكلام هنا كان بالمنطق الولاية عمر حتی لا تقول الناس ان محمدا یقتل اصحابه هو من الصحابة ما هو مش من الصحابة ومنافق یعنی کافر کافر یضمیر الکفر ویظهر الایمان - [00:16:48](#)

مش من الصحابة بس قال له ایه؟ حتی لا تقول الناس ان محمدا یقتل اصحابه. یعنی هو شکله قدام الناس ایه من ام الصحابة یا جماعة مسألة انه كان فی منافقین والمنافقین اسمهم کزا ومنهم کزا والجد ابن خیش ده كان احنا عارفینه عشان احنا بندرس قرآن وسنة وسیرة دلوقتی. لكن وقتها ما کانش - [00:17:08](#)

فیہ حاجة اسمها کده وقتها. كان کل دول اصحاب النبي علیه الصلاة والسلام فلو سیدنا محمد علیه الصلاة والسلام حکم على واحد منهم بالاعداد سمعة الاسلام هتدار ضرر کبیر جدا. فی الوقت اللی الناس عمالة تسلم من القبيلة دی. وکل يوم بیجی واحد للمدينة بیعلن - [00:17:32](#)

من القبائل المختلفة اللی حوالین المدينة و فی الجزيرة العربیة فالتخلص من هذا المنافق مصلحة ولكن سمعة الاسلام هتضر فیبقى فی مفسدة اکبر هییدی فرصة لناس فی القبائل دی تقول ایه؟ خلوا بالکم یا شباب. الشباب اللی بیشاوروا عقلهم یروحوا یدخلوا الاسلام. خلوا بالکم بقى عشان ده - [00:17:52](#)

محمد ده زعیم جماعة ارهابیة واللی بیدخل فی الجماعة بتاعته لو ما مشیش على العجین ما یلخبطوش بیقتله. ما سمعتوش عمل ایه فعبد الله بن ابي بن فهیدی فرصة للاعلام - [00:18:16](#)

المنافق الاعلام المعادي للاسلام انه یعمل بها انه یکبر الموضوع ویعمل منه آآ بروبا جاندا ضد الاسلام واحنا المفروض لا نعطي اسلحة لاعدائنا یحاربونا بها اعلامیا یبقى لما واحد یکتب کتاب مسیء للاسلام او یرسم صورة مسیئة للنبي علیه الصلاة والسلام وتطلع فتاوی بقتل واحد یروح یقتله - [00:18:30](#)

او یحاول یقتله هذا یوقع ضرر بالاسلام اکبر بکتیر جدا من منفعة التخلص من شخص زی ده ده لما یموت بیعملوه شهید. فی یوفاندوخ اتعمل شهید و بیسموا على اسمه شوارع ومیادین - [00:18:55](#)

وهم اصلا نکرات ما حدش کان بیقرا لهم ولا حد کان بیشوف رسوماتهم اللی کان بیقرا له خمسیت واحد هیقرا له خمسة ملیون وخمسين ملیون بعد ما کان نكرة اتعمل علیه افلام. یبقى احنا فی النهایة الخسرانین ده اللی بنقوله. احيانا الانسان یبقى من من من الزکاة - [00:19:13](#)

والفتنة انه یتغافل ویسبب بعض حاجات تعدي هی المسألة مسألة تفکیر مسألة استراتیجیة یعنی طیب نرجع للایة سبعة واربعین یلا لو خرجوا فیکم ما زادوکم الا خبالا یعنی لو کانوا خرجوا فیکم ما کانوش هیزودوکم قوة. بالعکس کانوا هیزودوکم اضطراب. خباله من الخبل المخبوء - [00:19:36](#)

قول يعني انسان مضطرب ما زادكم الا خبالا يعني كانوا هيزودوكم اضطراب وربنا بيقول لنا انهم لو كانوا خرجوا مع الجيش كانوا هيعملوا مناخ من الاضطراب تسعة وثلاثين اللي ما خرجوش في تبوك دول - [00:20:02](#)

وهو تعبير لو خرجوا فيكم لأ الطبيعي كنا نسمع لو خرجوا معكم ما زادوكم بس ربنا ما قلش معكم قال لو خرجوا فيكم ان تعبير المعية هم زي مسلا ايه؟ اذ يقول لصاحبه لا تحزن ان الله معنا - [00:20:19](#)

كلمة معكم بتوحي بانهم معكم في التوجه وفي الهدف وبيقووكم. لكن المنافقين ربنا ما قالش لو خرجوا معكم ابدًا لو خرجوا فيكم زي السوس اللي بينخر في الخشب زي المرض اللي بياكل في جسم المريض - [00:20:41](#)

بيقضي على صحته. فالمنافقين عبارة عن سرطان في جسد الأمة. لو خرجوا فيكم مش معكم. ما زادوكم الا خبالا ولاوضعوا خلالكم ييغونكم الفتنة اوضعوا او ضع يعني مش بسرعة اوضعت بعيري يعني سيرت بعيري سيرا سريعا - [00:21:00](#)

ولاوضعوا خلالكم ييغونكم الفتنة. يعني لو خرجوا فيكم كمان كانوا هيسعوا سعيا حثيثا كانوا هيحاولوا بسرعة انهم يعملوا فتنة جواكم. ييغونكم الفتنة خلالكم الخلال يتخللوكم يخترقوكم يعني ولاوضعوا خلالكم كانوا هيتخترقوكم ويعملوا فتنة بسرعة جواكم - [00:21:25](#)

لا برضه الكلام ده يعني كان ممكن نتفادى ليه ما يطلعوا ويتكلموا. ما حدش اصلا هيسمع لكلامهم. يا ريت. ربنا بيقول ايه؟ وفيكم سماعون لهم. ما هي دي المشكلة احيانا بتسمعوهم - [00:21:54](#)

احيانا المسلمين بيدوا ودانهم للناس واحنا هننسى برضو عند العودة في غزوة بني المصطلق. ابن سلول اطلق شائعات قزرة عن السيدة عائشة وشرحنا الفتنة اللي عملها في سورة النور اللي هي اسمها آآ آ حديث الافك - [00:22:18](#)

وبعض المسلمين سمع ووقع في الافك وجلد مسطح ابن ابي مصطح حسان ابن ثابت شاعر النبي جولد سمعوا وفيكم سماعون لهم ما دي المشكلة. انكم احيانا بتسمعوهم وبتدوا ودانكم بس ايشا من معانيها وفيكم سماعون لهم يعني ايه - [00:22:43](#)

يعني وفيكم يعني بينكم جواسيس بيسمعوا الاخبار بيقولوا بينقلوها لهم بس انتم مش عارفين مين المجرمين دول. وفيكم سماعون لهم والله عليم بالظالمين. ربنا عارفهم. عارف مين الجواسيس دول اقرا تمانية واربعين - [00:23:04](#)

لقد ابتغوا الفتنة من قبل وقلبوا لك الامور حتى جاء الحق وظهر امر الله وهم كارهون حاولوا يعملوا فتن قبل كده وقلبوا لك الامور. يعني قلبوا الحقائق ها بقوا يضع يحطوا الكذب مكان الصدق. والصدق مكان الكذب وقلبوا لك الامور. شقلبوا الحقيقة - [00:23:28](#)

بالخداع يعني بيخادعوا عملوا فتنة في احد ورجعوا بتلت الجيش. في المريسين عملوا فتنة بين المهاجرين والانصار. وبعدها في نفس الغزو عملوا فتنة في حادس الافك الله انا مش اول مرة لقد ابتغوا الفتنة من قبل - [00:23:54](#)

فيا مسلمين يا اللي شايفين يا يعني اللي شايفين ربنا قال للنبي عليه الصلاة والسلام لقد يعني عفا الله عنك لما اذنت لهم. لو انتم فاهمين ده غلطة كبيرة هي مش غلطة كبيرة خالص خالص - [00:24:11](#)

النائب خالص ده اوبشن طبيعي جدا النبي كان ممكن يختاره. جدا وده اللي عمله لان تجربتنا معهم سيئة جدا جدا تسعة واربعين تسعة واربعين مش موجود عندي على الشاشة - [00:24:21](#)

اقروها انتم بقى ومنهم من يقول ائذن لي ولا تفتني الا في الفتنة سقطوا. وان جهنم لمحيطه كافرين ومنهم من يقول ائذن لي ولا تفتني كان في واحد اسمه الجد ابن قيس. واحد من المنافقين - [00:24:49](#)

قال يا رسول الله الناس كلها عارفة قد ايه انا مفتون بالنساء فاذا رأيت نساء بني الاصر افتنتن بهن. افتنتن بهن فاذن لي في التخلف. ولا تفتني وانا اعينك بمالي - [00:25:20](#)

يعني انا راجل ضعيف قوي من ناحية الستات وخايف ارواح اشوف الشقروات بقى بتوع بني الاصر بقى الروميات بقى وبتاع وما اعرفش اغض بصري ويمكن اقع في حرام اكبر كمان - [00:25:41](#)

فاذن لي اقعد في المدينة وادي لكم فلوس تستعينوا بها في الجهاد وغيره راحوا ايضا. قالوا قالوا اعدار واهية وكذبوا وقالوا للنبي اذا يعني لم تأذن لنا في القعود ممكن تقع فتنة يحصل فتنة - [00:25:56](#)

في بيوتنا الكلام ده كله فربنا بيقول ومنهم من يقول انذن لي ولا تفتني الا في الفتنة سقطوا بترك الجهاد في سبيل الله سقطوا خلاص في الفتنة قال ايه مش عاوز يجاهد ليه؟ اصله خايف يشوف ستات. يعني الجيش ده كله مش رجالة يعني. ما هم برضه رجالة زيك. الله - 00:26:14

والواحد ممكن يسوق اعذار وحجج تخليه يتوقف عن العبادة تماما. يعني بنفس المنطق ده ما نصليش بقى ونقول اصل الصلاة كل شوية بتعطل عن العمل والعمل عبادة وده يخلينا نخسر فلوس ورزقنا ويقل فنبقى فقراء فنكفر ونكره الدين يبقى بلاش نصلي بقى الله - 00:26:37

اللي عمله ده اسمه ترك المصلحة خشية مفسدة متوهمة يعني ايه؟ يعني نقعد نتوهم ونتوقع مفاصد قد تحدث وقد لا تحدث فعشان كده نترك مصلحة مؤكدة يعني هو ترك فريضة. ترك الجهاد في سبيل الله. ليه؟ خايف ما يعرفش يغض بصره. كان ممكن يغض بصره. ممكن ما يغضش بصره. فانت عشان مفسدة - 00:26:58

نتوهمها ممكن تحصل وممكن ما تحصل انت بتترك مصلحة مؤكدة شوف بقى من الناحية من الناحية من ناحية انا بشرحها لكم من ناحية فقه الاولويات خلاص بقى يبقى بالمنطق ده كل واحد يقعد في بيته بقى ولا حد ينزل يصلي في المسجد ولا حد يروح يجاهد ولا حد يطلع يتاجر والحياة تقف عشان مش خايفين ما نغضش بصرنا - 00:27:26

الله ومش عاوزين يقعوا في الفتنة امال انتم حصل ايه؟ ده انتم وقعتم خلاص في الفتنة. وانتم لسة هتقعوا! ومنهم من يقول انذن لي ولا تفتني! الا في الفتنة سقطوا. وان جهنم لمحيطه - 00:27:54

كافرين دول سقطوا بالفعل في الفتنة وهم في جهنم اصلا خلاص. وان جهنم لمحيطه دلوقتي بالكافرين هي محيطه بهم السؤال هو هم بيعملوا كده ليه بيعملوا كده ليه؟ ده اللي هنشوفه بكرة بازن الله - 00:28:08

اللهم انا نسألك حبك وحب من يحبك وحب كل عمل يقربنا الى حبك. اللهم ما رزقتنا ما نحب فاجعله قوة لنا فيما تحب. وما زويت عنا مما نحب فاجعله فراغا لنا فيما تحب. اللهم اجعل حبك احب الينا من - 00:28:26

واموالنا ومن الماء البارد على الظمأ. اللهم حببنا اليك والى ملائكتك وانبيائك ورسلك وعبادك كالصالحين واجعلنا ممن يحبك ويحب ملائكتك وانبيائك ورسلك وعبادك الصالحين اللهم احي قلوبنا بحبك واجعلنا لك كما تحب. اللهم اجعلنا نحبك بكل قلوبنا ونرضيك - 00:28:46

بكل اجسادنا. اللهم اجعل حبنا كله لك وسعينا كله في مرضاتك. اللهم اجعل القرآن الكريم في قلوبنا ونور صدورنا وجلاء احزاننا وذهاب همومنا وغمومنا ومغفرة ذنوبنا. اسأل الله العلي العظيم ان يجعل هذا التدبر في ميزان حسناتي وحسناتكم جميعا - 00:29:15

اللهم فاطر السماوات والارض عالم الغيب والشهادة. انت تحكم بين عبادك فيما كانوا فيه يختلفون. فبحقكم كل حرف في كتابك تلوناه او تدبرناه ايد بنصرك المجاهدين في فلسطين. اللهم سد رميهم وخيب رمي عدوهم - 00:29:41

وتقبل شهدائهم وكن مع اخواننا في تركستان الشرقية وفي الشام وفي كشميرا وفي الهند. وانصر من نصرهم واخذل من خذلهم. وظهر المسجد الاقصى ومن الدنس فانهم لا يعجزونك. واكتب لنا يا ربنا ختم القرآن فيه - 00:30:01

اللهم انك تعلم ان هذه القلوب قد اجتمعت على كتابك وعلى محبتك والتقت يا ربنا على طاعتك وتوحدت على دعوتك وتعاهدت على نصرة شريعتك. فوثق اللهم رابطتها وادم ودها واهدها سبلها واملاها بنورك - 00:30:18

الذي لا يخبو واشرح صدورها بفيض الايمان بك وجميل التوكل عليك. واحيها يا ربنا بمعرفتك. وامتها يا مولانا على الشهادة في سبيلك انك نعم المولى ونعم النصير. وصل اللهم وسلم على محمد وعلى اله وصحبه ومن تبع هداة. والسلام عليكم ورحمة الله - 00:30:38

نراكم غدا بازن الله في نفس هذا الموعد ان كنا من اهل - 00:30:58